

稀見地方史料叢書

中國稀見地方史料集成

學苑出版社

董光和 齊希 編

中國稀見地方史料集成

第三三冊

當湖外志·二

續當湖外志

吳興舊聞

吳興山墟名

學苑出版社

新華書店
PDG

(清) 馬承昭纂 清光緒元年刻本

當湖外志·二

當湖外志卷七

平湖馬承昭倜儻輯

及門徐錦華秋宇校

新廟坊夏漢脩上舍之女。未笄而嫁於金山淩咸齋之子。貧甚。氏三十餘歲。夫死。翁又瞽。氏磨粉賣餅以養。且時忍飢以食翁。侍奉歡訢。而人不見愁苦之色。真節孝兩全者也。

節婦朱張氏。諸生橋之季女也。世居西文村。年十九歸北門朱氏。生一子而夫卒。氏年止二十三。事翁姑以孝聞。翁卒。繼姑有異志。虐遇之。氏曰。予不以身徇者。

爲此三尺孤也。於是負其子歸母家。僦屋居焉。貧甚。日紡績以食。有姪亦早孤。氏撫之如已出。今年已逾古稀。康強如年少人。

李呂氏新帶呂璜之女。年二十七。歸斜勒坊李陞。升未期月。夫卒。姑鍾早歿。事舅甚孝。謹越二年。兄公之妻卒。所貽一男一女。氏撫之如已出。男新豐善病。日夜調養。略無倦色。以養以教。俾至於成人。李氏之祀。賴以不絕。

林孫氏明經橡樵之孫女。適林萬興。歲餘萬興死。氏哀痛成疾。孑然無依。逾年歸母家。母憐氏年少。欲奪其

志氏以死誓。又一載餘。嘔血死。

石姚氏。邑中石某之妻也。某卒。氏年二十七。一貧如洗。矢志靡他。鄰家失火。逼石氏樓。人望見樓上有紅衣人。作指揮狀。四面皆焚。樓獨無恙。卒年七十有七。黃姑塘顧朝柏業農。弟五郎。性憨直。操作惟兄命。有酒食讓兄。一日兄疾甚。五郎含淚曰。兄如不諱。我亦死。未幾兄死。五郎號哭赴水。鄰人救之。是夕獨宿一室。夜半聞泣聲。日高門未啟。破窗入。已縊於梁間矣。朱在渠之宰平和也。長子槐。隨之任。邑中某姓與一寡婦爭財。其曲在某。槐受某賄。飾詞以誑父。父不察。竟

枉斷之。寡婦歸。雉經死。在渠罷官後某年四月四日。新倉城隍廟前演劇。槐與鄰陸愚軒同觀之。興已闌。槐與愚軒繞鎮後回家。甫出廟後戶。槐駭曰。冤家到矣。陸問故。則曰某氏寡婦。爲某事含冤故也。旣歸。鬼亦至。陸因招某某爲葉子戲。以解其憂。槐回首則鬼卽在坐後。心神瞽亂。起身入內臥。少頃家人入視。則已縊死矣。

朱雅山

鍾名

居乍浦城西隅。刻苦爲詩。清超拔俗。爲人孤

高狷介。先是阮學使

元名

秦觀察

瀛名

官浙時。見其詩。欲

招入幕。不往。王通守

生名鳳

攝平湖縣事。曾三造其廬。

刻其詩行世。道光五年公舉山林隱逸。辭不就。書三上。乃止。家甚貧。居恒三旬九食。有小除夕與內子食豆渣詩。傳誦一時。

陳愚泉

名文藻

居乍浦南門外。以薙髮爲業。年未冠。卽工

五七言。徐雪廬伊葭村朱復園翁海村訪之。各賦詩以贈。勸其易業爲童子師。由是所詣益進。桐城李海帆明府名宗官平湖。見其詩稱賞不已。嘗造其廬。攜游龍湫菜嶼之勝。欲招之入署。以親老辭。其詩清新刻露。有青松白石之致。同時有郁秋堂名心嘉興人。僑乍浦。以沽菽乳爲生。日昃輒行吟海上。琳宮僧舍。

題咏殆遍。自稱粗糲腐儒。阮秋山名錢塘人亦業雉
髮。擅墨梅。間作詩。清妙有神韻。嘗來游乍浦。從王守
戎出汎海島歸。而詩格一變。畫亦彌復入神。張綏玉
名海鹽人賣餅平湖之清谿。日肩鑪釜。行吟村落間。
得句。就村夫子索筆硯書之。餅爲兒童攘竊一空。弗
顧也。又有秀水錢玉崖名梅賣肉韭谿橋下。以好詩貧
其家。南匯張野樓名宏身爲門隸。循牆覓句。終日不休。
華亭朱愚谷名鐸爲獄卒。子嘗於鄰館見綱目殘本。讀
而悅之。見人輒問家有書乎。乞借讀。最後得高青邱
詩。大悅之。朝夕諷詠。下筆輒似青邱。後以父老更役。

代爲獄卒甘泉湯綉谷

名族宗

依人紀綱鹽筴襟情高

曠其詩跌蕩有奇氣諸人亦與愚泉同時白鵠山人輯八人詩彙梓之曰錦囊集

徐蘭客

名以黨

鄉前輩薌泉翁之父也性至孝能先意承

志年五十餘患咯血症醫者以爲陰虛也補劑雜投迄無一效勢已危矣一日妻郭氏晝寢夢白鬚老人謂之曰汝夫壽命已盡上帝憐其孝行特賜壽一紀可急覓金汁飲之病可痊也醒而異之訪諸醫者皆以爲不可服後病愈劇因取飲之甫一杯卽能安寢及覺神思清爽復盡二杯則腹中痛甚須臾下溏糞

甚多。旁人但聞酒氣盈溢。血遂止。蓋平生好酒傷胃。故咯血得金汁解之。毒從大腸出也。後又十二年而終。

徐樵峰

名琛

性伉直。不爲委瑣齷齪之行。家邑之南門。有

姻戚洪某者。家僅小康。以權子母爲生。所居距城三十餘里。一日至城。手持三百金寄樵峰。所曰有求貸者可付則付之。明日歸。中途得風疾。抵家口已暗。逾日遂死。洪未嘗以寄金事告家人也。樵峰聞洪死。急持金還其家。其婦愕然曰。先夫生時未嘗言。妾不敢受。樵峰大聲曰。汝夫寄金時去死僅三日。甫得病口

卽暗。豈能告汝耶。且我雖慙。斷不肯無故以三百金授人也。卒還金歸。

趙秀才一鶴

名金鑑

居心慈善。冬日至鄉收租。見佃衣食

不周。卽捐其租。且贈以絮被。宅邊植桑百株。春間葉長時來偷兜。家人追獲之一鶴。給以百錢。釋之。生平行事大率類此。四十後無嗣。意甚窘。後迭舉三子。洋步瀟全老惠者。村學究也。少時母病劇。老惠以帶繫臂兩端。剗肉以進。病竟愈。

朱德揚以訓蒙爲業。丁內艱時。館於獨山某氏。自忖孝鞋不便出門。以墨塗之。比至館。夜半雷雨交作。火光

徹帳德揚大怖。自念平生無大過惡。何以至此。遂默
誦聖經不止。迨曉雨霽。起覓雙履。忽失所在。後於水
缸中得之。色仍皎白。一如未塗云。

海山舊有古梅一株。千年物也。大數圍。結子如拳。漁人
欲摘之。必向樹揖。否則必遭神譴。

普陀紫竹林山。其石隨大小碎之。皆有墨紋如竹。兼備
晴雨風雪之態。真天工也。山僧云。竈上能辟火。
諺曰。梁庄地骨皮。掘出青脂泥。蓋謂見青脂泥者爲真
耳。

鄆陽山屠康僖公名墓。有鳥百十爲羣。迎西北風而來。

3
剖之腹有青椒。土人多網取之。有畫胡攢籬青鳩之名。

獨山塘側產小蟹。殼輭薄。俗謂沙虎。陳山三月間松花入土。至四五月經雨後。即生松花蕈。味鮮美。土人有桃花蜆子。菜花蠅之諺。

邑中某游粵西縣幕。百計侵牟。積千金回里。豈知其子在家賭博所耗之數。與幕中所入之數相準。悖入悖出。天道然也。

新倉徐松門精六壬學。應驗如神。一日戒僕曰。今夜有人來問事。勿早眠。已而果然。一夜某從風雨中來。入

門甫坐定。松門曰：爲父母病，則應爾。今爲子病，則太不憚勞矣。某爽然。

海鹽周萊峯孝廉

名蘭枝

少隨父弗齋明經設帳於褚涇

郭元暉

名思威

家。元暉之姪孫求敦器重之。妻以女萊

峯因家於褚涇。後求敦去世。其子貧不能自存。一家數口。萊峯分硯田之入支持薪水者二十餘年。可謂篤於義矣。

予季訪雲生男。作湯餅會。席間張君蓉波

名洽

談及陳步

瀛翁之母改租斛一事。深堪嘉歎。翁中年無嗣。某年往天竺求嗣。既去。母召匠諭之曰：我家租斛較他家

增三升。今與汝青蚨一千。爲我改小五升。但勿露斧鑿痕。使我兒知也。匠遵命改造訖。明年翁卽得一子。後又連得子。母病篤時。呼翁告之曰。汝以諸孫爲天竺大士之賜乎。翁瞿然不解。所謂母因備述改斛一事。且曰。感應之速如此。爲語富人勿多造孽也。

小南門吳天德業縫工。夫婦二人相對作苦。或有餘飯。則以與鄰之貧者。工值有餘。或施衣。或糞街道。在在以濟人利物爲心。妻曰。我兩人旣無子息。爲善亦無益。天德曰。衣食旣有贏餘。卽當力行善事。我亦行其心之所安而已。違計子之有無哉。後其妻四十九歲。

忽產一子。今已成立。克繼父志。家亦日起。

東門外太平橋之北有趙墳。今其後裔皆業農。家有玉牒。真王孫嫡派也。族繁散處鄉城。相傳某年居城中者來展墓。既歸。點檢什器。缺一壺。知遺失墓所。必爲行人所得矣。明年復往。則見壺懸樹枝上。無恙也。問鄰人見否。曰我儕但見一舊草履耳。不見壺也。

有朱姓者。業南貨經紀。性慳吝。綽號朱滅息。先在雲間作夥伴。人呼朱朝奉。適東家遭回祿。東家妻於急忙中。手首飾二篋。交滅息收藏。回抱其子。滅息頓起乾沒之念。而又思滅口。竟反搭房門而出。東家一妻一